

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 6. i 7. Zakona o javnim priznanjima Zeničko-dobojskog kantona („Službene novine Zeničko-dobojskog kantona“, broj: 6/13 i 2/14), Vlada Zeničko dobojskog kantona, na 160. sjednici, održanoj dana 28.06.2022. godine, d o n o s i

RJEŠENJE

o imenovanju Odbora za javna priznanja Zeničko-dobojskog kantona

Član 1.

Imenuje se Odbor za javna priznanja Zeničko-dobojskog kantona, u sastavu:

1. Mirsad Čizmić, predsjednik,
2. Rusmir Šišić, zamjenik predsjednika,
3. Abdulah Imamović, član,
4. Alija Redžić, član,
5. Amra Jupić, član,
6. Dragan Janko, član,
7. Ivana Vuković, član,
8. Tijana Galić, sekretar
9. Adem Mecavica, stručni i administrativni poslovi,
10. Amila Begović, stručni i administrativni poslovi.

Član 2.

- (1) Mandat Odbora traje 2 (dvije) godine.
- (2) Sjednice Odbora se održavaju u sjedištu Kantona.

Član 3.

Nadležnosti Odbora su:

- donošenje poslovnika o radu Odbora,
- obavještanje javnosti o načinu i roku predlaganja kandidata za javna priznanja,
- odlučivanje o izgledu i sadržaju povelje i plakete,
- kriteriji za dodjeljivanje javnih priznanja,
- razmatranje prijedloga i inicijativa za proglašenje Počasnog građanina i Plakete Kantona,
- predlaganje dodjele javnih priznanja,
- donosi odluke o dodjeli javnih priznanja i dostavlja na verifikaciju Skupštini Kantona,
- ostale nadležnosti predviđene Zakonom o javnim priznanjima Zeničko-dobojskog kantona.

Član 4.

(1) Članovi Odbora kojima je prebivalište, odnosno boravište izvan sjedišta Kantona i nemaju mjesto rada u sjedištu Kantona kao mjesto održavanja sjednica, imaju pravo na putne troškove u iznosu od 50,00 KM po održanoj sjednici, na kojoj su prisustvovali.

(2) Za učešće u radu Odbora, njenim članovima pripada naknada u visini od 200,00 KM godišnje.

(3) Sredstva za rad Odbora se obezbjeđuju u Budžetu Zeničko-dobojskog kantona, na razdjelu 11, budžetska organizacija 01, potrošačka jedinica 0001 – Ured premijera, ekonomski kod 613900, pozicija „Izdaci za komisije, zastupnike i druge samostalne djelatnosti“.

(4) Zahtjev za isplatu naknade podnosi se Ministarstvu finansija, uz prethodnu saglasnost Premijera Zeničko-dobojskog kantona.

Član 5.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-30-10357/22

Datum, 28.06.2022. godine

Zenica

DOSTAVLJENO:

1x Ured premijera,

1x Imenovanim, putem Ureda premijera,

1x Stručna služba Skupštine Zeničko-dobojskog kantona,

1x Stručna služba Vlade,

1x Služba za zajedničke poslove,

1x „Službene novine Zeničko-dobojskog kantona“,

1x a/a.